

Muhamed Hadžiabdić, geod. inž.



Početak februara 2010. godine, sve nas je ražalostila tužna vijest - srce našeg kolege Muhameda prestalo je da kuca.

Hadžiabdić (Hasana) Muhamed rođen je 26.09.1937. godine u Rudom. Osnovnu školu je završio u Gornjem Vakufu. Geodetsku srednju školu u Sarajevu završava 1957. godine. Početnička radna iskustva je sticao radeći u katastru općina Jajce i Gornji Vakuf. Pohađao je vanredno studij na Višoj geodetskoj školi u Sarajevu. Zvanje geodetskog inženjera stekao je 1974. Godine, kada se zapošljava u Općinskoj geodetskoj upravi Bugojno, kao rukovodeći službenik. Aktivno je učestvovao na uspostavi novog premjera. U periodu 1989. - 1992. godine je provodio aktivnosti oko uspostave katastra nekretnina u općini Bugojno.

Čitav radni vijek se trudio da katastar Bugojno „ide“ u korak s vremenom uvodeći i primjenjujući nova naučna i tehnička dostignuća u oblasti geodetske struke. Odlaskom u penziju 2001. godine njegove aktivnosti u struci nisu prestale, nego je i dalje nastavio da se kao penzioner zalaže za napredak i razvoj geodezije u Bugojnu

Hadžiabdić Muhamed je svojim zalaganjem u periodu ratnih dejstava uspješno sačuvao planove i katastarski operat Općine Bugojno. Profesionalnim odnosom prema poslu sačuvao je ugled katastra Bugojno, a svojom kolegijalnošću i odanosti svom pozivu bio je i ostatak uzor svim mlađim kolegama.

Živio je sa suprugom Vahdetom s kojom je odgojio i školovao sina Tarika i kćerku Melihu.

Emina Duvnjak